

Da Hoo mi-di Bos Dainamait?

Oava evri Krismos, pipl kamplayn bowt aal di dainamait weh pikni, big ahn smaal, laik bos. Ahn noh jos pikni needa! Big pipl tu! Laad, di daag dehn goh krayzi wen papshat di bos op! Wel, now wi don deh eena Janiwari mont, ahn if yu waahn bos dainamait, bos owt yu dainamait personaliti!

Ahn weh beta way fi du dat dan fi du sohnting gud pahn **George Price Day**? Wi now selibrayt Jaaj Prais Day! Di day, Janiwari 15, da fi maak di bertday a di layt Aanarabl George Price, hoo evribadi kaal di Faada a di Nayshan, Soh, ih uda gud if yu selibrayt it di du lee servis tu di konchri. Ih noh hafu bee notn big ahn poblik. Soh, bos wahn difrant dainamait dis Janiwari. Bos owt wid servis! Maybi yu mait jos kleen op owtsaid yu yaad, as yu uda mi du eniway, BOT dis taim yu aalso kleen op owtsaid di front ayrya bai di jrayn ahn schreetsaid. Er maybi yu help owt sohn skool pikni wid dehn skool problem. Jos bos owt wid servis!